

SOROTAN
UTAMA
KAJIAN
PENGESANAN
GRADUAN
2010

Sorotan Utama Kajian Pengesanan Graduan 2010

1.1 Profil Graduan 2010

- 1.1.1 Sebanyak 230 buah IPT menyertai kajian ini pada tahun 2010, iaitu IPTA (20), IPTS (148), politeknik (21), kolej komuniti (38), dan institut latihan di bawah KSM (3), berbanding penglibatan IPT pada tahun 2009 (214 IPT), 2008 (181 IPT), 2007 (147 IPT) dan 2006 (83 IPT).
- 1.1.2 Jumlah keseluruhan graduan yang terlibat dalam kajian pada tahun 2010 ialah seramai 224,776 orang dan kadar respons yang diterima ialah 78.9 peratus. Graduan IPTA memberikan kadar respons tertinggi iaitu 89.7 peratus, diikuti kolej komuniti (84.9 peratus), politeknik (79.7 peratus), IPTS (59.7 peratus) dan institusi latihan di bawah KSM (22.3 peratus).
- 1.1.3 Daripada sejumlah 224,776 graduan yang dikeluarkan pada tahun 2010, 44.8 peratus merupakan graduan lulusan peringkat ijazah pertama, diikuti lulusan diploma (36.7 peratus), lulusan sijil (8.6 peratus), lulusan pascasiswazah (62.0 peratus) dan peringkat lain (3.6 peratus).
- 1.1.4 Keluaran graduan dalam bidang sastera dan sains sosial mencatatkan peratus tertinggi, iaitu 40.1 peratus, diikuti bidang teknik (27.1 peratus), bidang sains (12.7 peratus), bidang pendidikan (11.6 peratus) dan bidang teknologi maklumat dan komunikasi sebanyak 8.5 peratus.
- 1.1.5 Secara keseluruhannya, bilangan graduan perempuan melebihi lelaki dengan nisbah 1:1.39. Bagi IPTA, nisbah graduan lelaki kepada perempuan ialah 1:1.68 dan IPTS ialah 1:1.41. Manakala bilangan graduan lelaki melebihi perempuan di politeknik (1:0.85), kolej komuniti (1:0.80) dan institusi latihan di bawah KSM (1:0.40).
- 1.1.6 Dari segi kewarganegaraan, sebanyak 7,890 graduan adalah lulusan antarabangsa (3.5 peratus) dengan lulusan IPTA seramai 3,780 dan IPTS (4,136).

1.2 Status Pekerjaan Graduan

- 1.2.1 Graduan yang menyatakan mereka telah bekerja ialah sebanyak 50.4 peratus, manakala graduan yang masih belum bekerja pula ialah 24.6 peratus, yang menyatakan mereka sedang melanjutkan pengajian ialah sebanyak 16.6 peratus, meningkatkan kemahiran sebanyak 1.4 peratus dan menunggu penempatan pekerjaan sebanyak 7.0 peratus.
- 1.2.2 Graduan yang menyatakan mereka telah bekerja kebanyakannya merupakan graduan lulusan Ph.D (94.0 peratus) dan graduan yang masih belum bekerja majoriti adalah lulusan sijil (36.1 peratus).
- 1.2.3 Peratus tertinggi graduan yang melanjutkan pengajian ialah lulusan bidang profesional (71.8 peratus), bagi menunggu penempatan pekerjaan ialah graduan diploma lepasan ijazah (20.0 peratus) dan meningkatkan kemahiran adalah graduan ijazah pertama (1.9 peratus).

Sorotan Utama Kajian Pengesanan Graduan 2010

- 1.2.4 Peratus tertinggi graduan yang bekerja adalah lulusan dari institusi latihan di bawah KSM, iaitu sebanyak 58.6 peratus manakala bagi belum bekerja pula adalah lulusan dari kolej komuniti, iaitu sebanyak 36.4 peratus.

1.3 Maklumat Pekerjaan Graduan

- 1.3.1 Bagi graduan yang bekerja, iaitu 49.9 peratus, kebanyakannya berada dalam kumpulan pekerjaan profesional, diikuti kumpulan juruteknik dan profesional berkaitan (14.5 peratus) dan kumpulan perkhidmatan dan jualan (13.9 peratus).
- 1.3.2 Sebanyak 60.6 peratus graduan mempunyai pekerjaan bertaraf tetap, diikuti bekerja secara kontrak (19.3 peratus) dan bekerja sementara (17.2 peratus). Terdapat graduan yang menyatakan mereka bekerja sendiri (1.6 peratus) dan bekerja dengan keluarga (1.4 peratus).
- 1.3.3 Sektor swasta tempatan dan multinasional/asing merupakan sektor terbesar yang menawarkan pekerjaan kepada graduan pada tahun 2010, iaitu sebanyak 56.8 peratus dan diikuti sektor kerajaan (27.9 peratus).
- 1.3.4 Majoriti graduan Ph.D berada dalam kohort pendapatan bulanan RM5001 dan ke atas (62.9 peratus), graduan sarjana pula berada di antara RM3001 – RM5000 (40.4 peratus) manakala graduan diploma dalam kumpulan pendapatan RM1001 – RM1500 dan RM501 – RM1000, iaitu masing-masing 34.8 peratus dan 33.4 peratus.
- 1.3.5 Sebanyak 21.9 peratus graduan yang bekerja terlibat dalam sektor ekonomi pendidikan berbanding sektor ekonomi profesional, aktiviti saintifik dan teknikal (11.3 peratus) dan sektor ekonomi pembuatan sebanyak 8.9 peratus.

1.4 Graduan Melanjutkan Pengajian

- 1.4.1 Secara keseluruhannya, sebanyak 21.4 peratus graduan yang menyatakan mereka sedang melanjutkan pengajian.
- 1.4.2 Sebab utama graduan melanjutkan pengajian ialah untuk meningkatkan tahap kelayakan akademik (34.9 peratus), diikuti dengan prospek kerjaya yang lebih baik (25.5 peratus), dan minat yang mendalam mencari ilmu (21.7 peratus).
- 1.4.3 Kebanyakan graduan yang melanjutkan pengajian terdiri daripada graduan lulusan bidang sastera dan sains sosial (53.5 peratus), teknik (28.5 peratus), teknologi maklumat dan komunikasi (9.1 peratus), sains (8.2 peratus) dan pendidikan (0.8 peratus).
- 1.4.4 Majoriti graduan yang melanjutkan pengajian (86.3 peratus) menyatakan program pengajian yang sedang diikuti adalah berkaitan dengan pengajian sebelumnya.

Sorotan Utama Kajian Pengesanan Graduan 2010

1.5 Graduan Belum Bekerja

- 1.5.1 Berdasarkan daripada 42,955 graduan yang belum bekerja, majoriti menyatakan mereka sedang mencari pekerjaan (71.5 peratus), menunggu penempatan melanjutkan pengajian (16.2 peratus), ingin berehat (3.4 peratus) dan tanggungjawab terhadap keluarga (2.5 peratus). Terdapat juga sebahagian kecil graduan yang memilih untuk tidak bekerja dan tidak berminat untuk bekerja (0.8 peratus).
- 1.5.2 Peratusan terbesar graduan yang belum bekerja mengikut jantina adalah graduan perempuan (66.5 peratus) berbanding dengan graduan lelaki (31.1 peratus).
- 1.5.3 Graduan lulusan sijil mencatatkan peratus tertinggi (36.1 peratus) dalam kategori belum bekerja. Ini diikuti oleh graduan lulusan diploma lanjutan sebanyak 31.9 peratus, lulusan ijazah pertama (25.6 peratus) dan lulusan diploma sebanyak 23.9 peratus.